

4.8

ՀՐԱՏ. ՌՈՒՍՉՈՒԲԻ ՀՆԶ. ՄԱՍՆԱՃԻԻԳԻ

323.1  
Ա-82

mf

ԹԻՒՐՔԻՈՅ ԸՆԴԴԻՄԱԴԻՐ ՏԱՐԻԵՐԸ

Պ Ր Ա Կ Ա

Խմբագրեց

ՀՄԱՅԵԱԿ ԱՐԱՄԵԱՆՑ

323.1  
Ա-82

1908

Յարման Գ. Գ. ՄԱԶՄԱՆԵԱՆ

11

309  
39

75 JAN 2004  
26 SEP 2006

## ԹՈՒՐԲԻՈՅ ԸՆԴԴԻՄԱԴԻՐ ՏԱՐԵՐԸ

### Հայ ժողովրդին

Հասարակական ամեն մի բարգ խնդիր, ամեն մի խոչոր երևոյթ ա՛յն ժամանակ միայն կատանայ նպատակայարմար ուղղութիւն և դրական լուծումն ,երբայդ խնդրով շահագրգռւած հասարակութիւնները իմօտոյ կը ծանօթանան խնդրի ծագմանն ու էութեանը: Երբ բազմակողմանի ուսումնասիրութեան, քննադատութեան կենթարկեն նրանք այդ երևոյթը: Երբ, վերջապէս, հասարակութեան ամենալայն խաւերի մէջ բացորոշ հասկացողութիւն կը կազմուի այդ առթիւ:

Այլապէս, ընդհանուր բնատուրօթիւն կրող հարցերի մակերևութային ըմբռնումով և միջանի անհատների կամքով նրանց այս կամ այն ուղղութիւնը տալով, մէջանդ տուժողը կը լինի նոյն այն հասարակութիւնը կամ ժողովրդները, որոնց ճակատագրին հետ սերտ կապ ունի քննելի խնդիրը:

Միայն ստրուկ ժողովուրդն է, որ թոյլ կը տայ առանձին անհատների՝ վճռել իր բազդը, որովհետև ստրուկները լիովին զուրկ են սեփական կամքից, ըստ որում և նրանց մէջ

9930

տիրապետում է բացարձակ կրաւորականութիւնը: Այնտեղ՝ մարդիկ ոչնչով չեն տարբերուում անշունչ իրերից կամ անբան անասուններից, որոնց „տէրը“ իւր կամքի ուղած ձևով էլ վարուում է նրանց հետ, քչելով ուր և կամենայ, առանց ենթակաների հաւաքական կամքն ստանալու:

Բայց որովհետև ստրկութեան դարն անցել է արդէն և երկրագնդի վրայ ապրող համարեա բոլոր ժողովրդները այսօր եկել են այն գիտակցութեան, որ մարդը ոչ իր է և ոչ էլ անասուն և որ ոչ ոք իրեն իրաւունք պիտի չըհամարէ բռնանալ իր նմանների կամքին վրայ, ուստի և ոչ ոք չպիտի յանդգնի վճռել այս կամ՝ այն հասարակական լուրջ խնդիրը, եթէ նա արտօնւած չէ նոյն այդ հասարակութիւնից՝ առնելու այդպիսի մի քայլ և եթէ նա բռնապետ չէ:

Մանաւանդ յեզափոխուող ժողովրդների մէջ, որոնք ընարել են յեզափոխական արնոտ ասպարէզը՝ լոկ իրենց անբռնաբարելի մարդկային ու քաղաքացիական իրաւունքները պաշտպանելու համար՝ ընդդէմ ամեն կարգի անիրարաւութեանց ու ոտնձգութիւնների, — մանաւանդ այդպիսի մի ժողովրդի մէջ, ասումենք, չ'պէտք է հասարակական բարդ խնդիրները լուծումն ստանան առանց ժողովրդի հաւանութեան, առանց վերջնիս հաւաքական կամքն առած լինելու:

Սա այնպիսի մի ճշմարտութիւն է, որ



չենք կարծում թէ նրա գէժ վիճող որևէ մէկը  
գուրս գայ:

Եւ ով գէժ կըզնայ այդ տարրական պա-  
հանջին, նա կըդառնայ ժողովրդի թշնամին,  
կամ առնւազն կըմեղանչէ քաղաքացիական իրա-  
ւունքների գէժ:

Արդ, թուրքիոյ ընդդիմագիր տարրերի  
միութեան կամ համերաշխ գործակցութեան  
գաղափարը, որ սերտ կերպով կապւած է Հայ,  
Մակեդոնացի, Տաճիկ, Յոյն, Արաբ, Դրուզ,  
Հրեայ... ժողովրդների կեանքին հետ և նրա  
այս կամ այն եղանակով վճուիլը պիտի ունե-  
նայ իւր խոր ու պատմական ազգեցութիւնը  
այդ այգերի հասարակական-քաղաքական կեան-  
քին վրայ, ոչ ապաքէն անհրաժեշտ է ամեն  
բանից առաջ ի նկատի առնել այդ ազգերի  
տրամագրութիւնները, բանալ նրանց առջև  
խնդիրը իւր մանրամասնութիւններով, ունենալ  
գաղափարի և մտքերի ամենալայն ժողովրդա-  
կանութիւններ, ստանալ ժողովրդային զանգւածների  
վճռական հաւանութիւնը և ըստ այնմ վարել:

Զպէտք է մոռանալ նաև այն, որ յիշեալ  
ազգերից շատերը այսօր իրենց յետև թողնու-  
մեն մի քանի քանակ սարիների յեղափոխա-  
կան կեանք՝ իւր բազմաթիւ Ֆիդիքական, նի-  
թական և բարոյական գոհողութիւններով,  
պատմական-քաղաքական դրատիցիաներով, որոնք  
և կազմում են այդ ազգերի միան ու արիւնը,  
մասնաւոր ու միջազգային իրաւունքներով, որոնք

երկ'ար տարիների ընթացքում կլանել են նրանց ամբողջ եռանդը և որոնց վրայ սևեռած է եղել նրանց լաւագոյն զաւակների հայեացքը, ձգտումներով, որոնք այնքան սուրբ են իրենց համար, որքան և նրանց կամքը՝ անբռնաբարելի:

Ձընայած, սակայն, այդ բոլորին՝ անցեալ 1907 թւի վերջերը, զեկտեմբեր ամսում, փարիզի մէջ դումարւեց մի «միջակուսակցական» կամ «միջազգային կօնգրէ», առանց վերոյիշեալ կարևոր պայմաններն ինկատի առնելու և առանց նոյնիսկ հրաւիրուող կուսակցութեանց ընդհանուր կամքն իմանալու:

Թէև եղան թերթեր («Ռոջակ», «Հայրենիք» «Վտակ», «Ռազմիկ» և նրանց թարգման, «Pro armenia»), որոնք հազար ու մի դրական ածականներով որակեցին այդ «պատկառելի» կօնգրէն, կամենալով հայ հասարակութիւնը ձգել հայրենազրուժ մոլորութեան մէջ, բայց փաստը, որքան էլ և խեղաթիւրուի նա անմաքուր գրչակներով, կմնայ հրապարակի վրայ մերկապարանոց:

Միևնոյն արարածները, որ ապիկար խելագարութիւնն ունեցան Հայ Յեղափոխական կուսակցութեանց «Համերաշխութիւնը հացի խնդիր» հրատարակելու, մի բոպէ իսկ չ'վարանեցան հայա-թուրք կատակերգութիւնը աշխարհաչափ մի իմաստութիւն, թուրքահայ ի-

բականութեան մէջ ամենափառաւոր միակտ ցոյց տալու, մոռնալով այլևս որ դեռ մօտիկ անցեալում իրենք էին որ իրենց պաշտօնական ու կիսապաշտօնական օրգաններում Պօն-Քիչօտեան նիզակներ էին ճօճում այսօրւայ իրենց ,,զինակիցների՝՝ գէմ:

Թաւրբիոյ բնագիմադիր տարրերի միութեան կամ համերաշխութեան հարցը աւելի քան լուրջ երարգ մի խնդիր է, որ դեռևս ո՛չ միայն այդ տարրերի համախմբման մասին արտայայտւած չեն ինչպէս հարկն է, ո՛չ միայն մինչև այսօր այդ գաղափարների իրականացման համար ակնյայտ երաշխիքներ չեն եղել, կեանքի մէջ, - այլ և դեռ բոլորովին հակառակն է ցոյց տուել կեանքը:

Դրան ապացոյց այն իրողութիւնը թէ-կող, որ կօնգրէին հրաւիրւած 15 - ի չափ խմբակցութիւններից ու կուսակցութիւններից կօնգրէին մասնակցեցան երեքը միայն:

Դրան ապացոյց՝ գժգոհ տարրերի ծրագիրներ:

Դրան ապացոյց՝ նրանց պատճօնական օրգաններ:

Դրան ապացոյց՝ Յեզ. կուսակցութեանց ամբողջ պատմութիւնը:

Դրան ապացոյց՝ կօնգրէից յետոյ արտայայտող հրապարակական բանաւոր ու գրաւոր բողոքներ, դժգոհութիւններ:



Գրան ապացոյց՝ հէնց ինքը կոնգրէն իւր տուած որոշումներով և միով բանիւ իւր խղճուկ ելքով: Հապճեպով ու անշրջահայեացութեամբ գումարուած մի կոնգրէ գրանից բացի ուրիշ արդիւնք ունենալ չէր կարող:

Սակայն այս տեղ մեզ հետաքրքրողն այնքան կոնգրէի գրական կամ բացասական արգասիքը չէ, որքան խնդիրը՝ ըստ էութեան: Կոնգրէին անդրադառնալու առիթը կունենանք դեռ ևս:

Հայ Յեղափոխական Հնչակեան կուսակցութիւնն էլ, լինելով մին թուրքիոյ ընդիմադիր տարրերից, իւր քսան ու մէկ տարուան գոյութեան ընթացքում բազմիցս զբաղւել է այդ խնդրով, վարել է լուրջ բանակցութիւններ միւս ընդդիմադիր տարրերից ոմանց հետ, այդ հարցին նւիրել է բազմաթիւ էջեր իւր պաշտօնական ու կիսապաշտօնական օրգաններում, գրել է իւր հայեացքները և մասամբ էլ լսել միւսների թեր և դէմ կարծիքները, և վերջի վերջոյ եկել ու հանդել բացասական ելքի, փաստերը միութեան դէմ էին խօսել:

Եւ որպէսզի Հայ ժողովուրդը կրկին կարողանայ բնորոշել իւր գիւրքը հանդէպ միւս ընդդիմադիր տարրի, ինչպէս նաև զգուշացնելու համար նրան մի շարք գիտումնաւոր խեղաթիւրումներից, որոնցմով վերջերս շատերն աշխատում են անուանարկել հնչակեան կուսացու-



թիւնը, մեղադրել նրան մանաւանդ՝ այսպէս կոչւած՝ „Երիսաւարդ քուրբերի“ հանգէպ, հարկ համարւեց ներկայ և սրա նման մի շարք գրքոյկներով ներկայացնել Հայ Ժողովրդին Հնչակեան կուսակցութեան հայեացքները:

Այդ գրքոյկների մէջ երբեք տեղ պիտի չ'գտնեն անհասական կարծիքները, այլ հարազատութեամբ պիտի վերատուգին այն պաշտօնական գրութիւնները, որոնք հրատարակուել են Հնչակեան կուսակցութեան պաշտօնական օրգանում, սկսած անցեալ դարի ինսնական թւականներէից մինչև մեր օրերը:

Ու վստահ ենք, որ այդ պատմական տօկումենաները վերջ պիտի գնեն սոցունների վայնասունին, միաժամանակ պարզելով հասարակութեան առաջ մանրամասնութիւնները այն խնդրի, որ Հայ Ժողովրդի ընդհանուր—ազգային կեանքին է վերաբերում:

Մենք կը կատարենք մեր քաղաքացիական պարտքը և այնուհետև հասարակութեան կը մնայ գիտակցիլ իւր իրաւունքները ու հանրային կամքի ուժով վճռել իր ճակատագիրը:

Հասարակութիւնն է, որ կը մատակարարէ Յեղափոխական կուսակցութեանց մտաւոր, ֆիւլիքական և նիւթական ուժերը, ուստի և նոյն հասարակութիւնն էլ իւր գիտակից վերաբերմունքով դէպի հանրային գործերը՝ պիտի գայ ասելու իւր կուսակցութիւններին Ազգի վճ-

ուսկան խօսքը՝ որի մէջ պիտի ամփոփուի Հա-  
յու թեան պատմական-քաղաքական Չգառումը:

ՀՄԱՅՆԱԿ ԱՐԱՄԵԱՆՅ

1908 Մարտ 2/15

Ռուսչուք

## ԵՐԻՏԱՍԱՐԳ ԹԻԻՐՔԻՍ ԵՒ ԵՐԻՏԱՍԱՐԳ ՀԱՅԱՍՏԱՆ ԱՆՏԱԳՕՆԻԶՄ<sup>1)</sup>

Յայտնի է, որ Հայ յեղափոխական մարմիններից միայն Հին Հնչակեանները եղան, որ չմասնակցեցան Երիտասարդ Թիւրքիայի կամ, ինչպէս ընդունւած է անուանել նրանց քաղաքական աշխարհում. Օսմանցի ազատամիտների վերջերս Փարիզում գումարած կօնգրէսին<sup>2)</sup>, հակառակ կրկնակի ճրութեան, որ ստացան նրանք կօնգրէսը կազմակերպողներից եւ որոնք անպատասխան մնացին նրանց կողմից:

Այս իրողութիւնը Հայ յեղափոխական պատմութեան մէջ եթէ հանդիսանար որպէս լոկ մի պատահականութիւն, առանց որեւէ կապ կամ պնդութիւն ունենալու յեղափոխական գիտակից մտածման հետ՝ մենք, ի հարկէ, ամենեւին էլ չէինք վերադառնայ նրան եւ կը թողնէինք որ նա կորուէր լուութեան, անյայտութեան մէջ: Սակայն իրականութիւնը այդ չէ:

Այն գիրքը, որ ունեցաւ Հնչակեան կուսակցու-

---

1) Ներկայ յօդւածը կարտապենք 1904 թւի № 2 «Հնչակ»-ից:

2) Չպէտք է շփոթել 1907 թւի դէկտեմբերին, նոյն քաղաքում, գումարւած ժէօն Թրքօ—Դրօշակեան կօնգրէին հետ, ներկայ յօդւածում խօսուումէ այն կօնգրէի մասին, որ գումարւեց 1902 թւին եւ որին մասնակցեցան ժէօն Թիւրքերը եւ հայերից Դաշնակցականները եւ Վերակազմեալները: Այդ կօնգրէի մասին դեռ առիթ կունենանք խօսելու:

Թիւնը Օսմանցիների կօնգրէսի հանդէպ, շտաջացաւ որիւէ անհոյ, անտարբեր, անգիտակից պատահականութիւնից, այլ նա եզաւ, ընդհակառակը, բոլորովին որոշ, գիտակից մտածման արդիւնք, նախապէս մտածւած եւ հարցի բազմակողմանի ուսումնասիրութեան վերայ կեցած որոշման մի հետեւանք: Արդարեւ, այն միջոցին, երբ Փարիզում տեղի էին բռնկուած կօնգրէսի նիստերը, լուծելու համար այն հարցը, թէ չէ՞ր՞ կարելի արդեօք մի գրոշի ասկ համախմբել եւ մի մարմնի վերածել Օսմանեան բռնապետութեան տակ հեծող բոլոր ժողովրդների յեղափոխական ներկայացուցիչ տարրերը, Հնչակեան կուսակցութիւնը ճիշդ այդ միջոցին, զբաղուէր իմիջի այլոց եւ լուծելու այդ միեւնոյն հարցը եւ գալիս էր այն եզրակացութեան, որ ո՛րեւէ համերաշխ գործունէութիւն չէ կարող կենալ հայ յեղափոխութեան եւ երիտասարդ թուրքիայի միջեւ<sup>3)</sup>:

Ահա թէ ինչո՞ւ Հնչակեան կուսակցութիւնը հարկ չտեսաւ մասնակցելու Երիտասարդ թուրքիայի կօնգրէսին:

Փաստը՝ որ այդ կօնգրէսը կատարելապէս վիժեց իւր նպատակների ու ձգտումների մէջ, փաստը, որ այդ

---

<sup>3)</sup> Ընթերցողի լուրջ ուշադրութիւնն ենք հրաւիրում այն հանգամանքի վրայ, որ Հնչակեան կուսակցութեան Քիչեալ Պատգամաւորական ժողովը, ինչպէս եւ այնօրեակներէ գումարւած ընդհանուր Պատգամաւորական ժողովները եւ կուսակցութեան սլաշտօնական օրգանները՝ սկզբունքով ոչ միայն դէմ չեն եղել թուրքիոյ ընդիմացիք տարրերի համերաշխութեանը, այլեւ ամենից աւելի Հնչակեաններն են պահանջել այդ համերաշխութիւնը (Մակեդոնացիների, Արաբների, Յոյների, հետ) այդ կէտը նախատեսւած է նոյնիսկ մեր Ծրագրում: Հնչակեանները դէմ էին եւ են Երիտասարդ թուրքի հետ միացած գործելու մաքին:



կօնգրէսին մասնակցող Հայ Յեղափոխականները, որպէս մի մարմին, an bloc, կարճ ժամանակից յետոյ հարկադրուեցան թողնել ու հեռանալ կօնգրէսից. — եկաւ անհերքելի կերպով ապացուցանելու որ հնչակեան կուսակցութեան բռնած զիրքը՝ վերաբերմամբ Երիտասարդ Թուրքերին՝ կատարելապէս համապատասխան էր հայ յեղափոխական ոգուն, նրա ձգտումներին եւ իրերի դուրսէն պահանջման:

Հազիւ կօնգրէսի սրահի դռնից ներս մտած՝ հայ յեղափոխականները՝ բնագրաբար, զգումեն որ գտնուում են մարդկանց առաջ, որոնք ոչ աւելի ոչ պակաս, քան Համբար ինքը, իրենց թշնամիներն են, որոնց ներկայութիւնից հարկաւոր է որքան կարելի է շուտ խուսափիլ, ազատելու համար հազար ու մի խորամանկութիւններով, արեւելեան բարքերին յասուկ շողքորթութեամբ չաղախւած կեղծ ու պատիր յարգանքների տակ ծածկւած թաղուն միտումներով լարւած թակարդներից, որոնց մէջ ընկնիլը ուղակի ազետալի կարող էր լինել:

Ահա բոլոր իրողութիւնը մեզ համար, ակնյայտնի կերպով դուրս է ցատկում եւ աչք ծակելու չափ առաջ է ցցւում բոլոր այն տղեղ, այն զգւելի տեսաբաններից, որոնք պարզել են այդ կօնգրէսին մասնակցող մեր հայ յեղափոխականների առաջ:

Կօնգրէսը վիժեց, ուրեմն:

Երիտասարդ Թուրքիայի հետ համերաշխ գործելու գաղտփարը ջուրն ընկաւ:

Այդպիսի մի համերաշխութեան կարելիութեան մասին յայտնւած մտքերը՝ կարծիքները, կատարւած արդումնատացիաները, տաճւած յոյսերը, բոլորն էլ յայտնւեցան ուտոպիկական եւ առաջացած պատրանքից, իլլիւզիայից:

Չեռքի մէջ մնացած իրողութիւնը, շօշափելի

փաստը այն է, որ այդպիսի համերաշխութիւնն այդ երկու մարմինների մէջ, ընդդէմ տաճկական արդի ըէժիմին, բացարձակապէս անհնարին է:

Եւ մենք ուրախ ենք, որ Հնչակեան Կուսակցութիւնը, *á priori*, իւր կողմից կօնգրէսին մասնակցող հայ յեղափոխականները *a posteriori* իրենց կողմից, եկան եւ յանգեցան այդ եւ միեւնոյն եզրակացութեան:

Եւ ուրիշ տեսակ էլ չէր կարելի: Որպէսզի համերաշխութիւն կենայ երկու մարմինների մէջ, անհրաժէշտ է որ այդ երկու մարմինները ներկայացնեն իրենց հիմնական նպատակների մէջ միեւնոյն ձգտումները՝ Առանց այդ հիմնական անհրաժէշտութեան, անկարելի է որ նրանք գնան միմեանց հետ համերաշխ, ներդաշնակ, մղելիք կուրին մեջ, առանց միմիանց խանդարելու, առանց միմեանց դաւաճանելու: Իսկ այդպիսի մի հիմնական նոյնութիւն մենք ոչ մի հատ չենք տեսնում Օսմանեան լիբերալների եւ Հայ յեղափոխականների ձգտումների միջեւ, որպէսզի կարելի լինէր մտածել մի բոպէ մի համերաշխ զործունէութիւն. մի դաշնակցութիւն ստեղծելու մասին այդ երկու մարմինների մէջ:

Ճիշտ է, եւ առարկումեն սովորաբար, որ Օսմանցի ազաւամիտները նոյնպէս դժգոհներ են՝ ինչպէս հայերը, ինչպէս բոլոր օսմանեան բռնապետութեան լուծը կրող հպատակ ազգերը, ուր նրանք էլ նոյնպէս ուզում են տապալել արդի կամայական ըէժիմը, որ

---

4) Նոյն իսկ այդ միտքն էր արտայայտում, փարիզի վերջին կօնգրէից ընդամենը մի քանի օր առաջ, „Ռազմիկը“ Հայ յեղափոխական կուսակցութեանց համերաշխութեան մասին զրելիս, բայց այդ իսկ „Ռազմիկը“ խմբագրողը մասնակցեցաւ կօնգրէին եւ... իր սղորագրութեամբը լզից քիչ առաջ սիրտխառնուքով թքածը: Երանի՜ թէ սա վերջինը լինէր...

Նրանց բոլոր յեղափոխական ոյժերը ուրիշ կէտի  
 ուղղւած չեն, բայց եթէ ամեն չարիքների պատճառ  
 եւ պատասխանատու Սուլթան Համիտի վրայ, սակայն  
 դժգոհ լինելը բաւական չէ, որպէսզի այդ երկու մար-  
 մինների մէջ համերաշխութիւն գոյանայ: Այստեղ  
 վճռական եւ հատու նշանակութիւն ունեցողը հասարա-  
 կական ձգտումներն են, հասարակական նպատակներն  
 են, որոնք պէտք է որ միտկերպ լինին երկու մարմին-  
 ների համար էլ: Ուրիշ խօսքով, ուղղութիւնն է, որ  
 կարելի կամ անկարելի կըդարձնէ համերաշխ գործակ-  
 ցութիւն երկու հասարակական մարմինների մէջ:  
 Խնդրի վերայ այս տեսակէտից նայելով, խոր, գիտական  
 վերլուծման ենթարկելով երիտասարդ թիւրքիայի ու  
 հայ յեղափոխականների ձգտումները, նրանց վերջնա-  
 կան նպատակները, անմիջապէս կարելի է տեսնել այն  
 ահագին, մեծ, ոչնչով չ'լեցւող վիճը՝ որ բացւում է  
 նրանց միջեւ, այն ահագին պատնէշը, որ բարձրանում է  
 երկուսի միջեւ: Ոչ մի կամուրջ չկայ, որ կարելի լինի  
 գնել այդ վիճի, այդ լայն բացւածքի վրայ՝ ո'չ մի սան-  
 զուղք չէ կարելի բարձրացնել անցնելու համար այդ  
 պատնէշը: Երկու մարմինները մնում են միմեանցից հե-  
 ուս, շատ հեռու:

Նրանք միմեանց չեն տեսնում, նրանք միմեանցից  
 մնում են բոլորովին ծածկւած, այն, ինչ որ տեսնում է,  
 այդ միայն երեւոյթն է եւ այդ է որ մեզ խարում է եւ  
 մատնում իլլիւզիաների:

Ի՞նչ են այդ երկու հասարակական մարմինների  
 ձգտումները:

Պարզ է թէ ո'ւր կամ ի՞նչ բանի են ձգտում Երի-  
 տասարդ թիւրքերը: Նրանց ձգտումը նրանց երազը  
 ուրիշ բան չէ եթէ ոչ իրագործել Միտհատի Ժամանակից  
 մնացած ողորմելի Սահմանադրութիւնը, առանց դիպ-  
 չելու սակայն բացարձակ միապետի անպատասխանատու



հանդամանքին, կարծելով թէ այդ հակասական դրու-  
թեամբ կարող կըլինին թիւքիայի վարչական սխտե-  
մբ ազատել անսանձ կամայականութիւնից, իրականա-  
ցնել ընդհանուր բարենորոգումներ երկրի ամէն կող-  
մերում եւ դրանով գոհացում տւած լինել բոլոր զժ-  
գոհներին, բոլոր ընդվզողներին:

Մենք առ այժմ խնդրի եւ քննութեան առարկայ  
չենք ուզում դարձնել այն միջոցները, որոնցմով նրանք  
ուզումեն հասնիլ այդ նպատակին. այդ ղեռ կարեւոր չէ:  
Եթէ մենք տեսնենք որ նպատակի եւ ձգտումների վրայ  
(որոնք իսկապէս եւ ամենից առաջ իրաւունք են տալիս  
որեւէ քաղաքական մարմին կազմելու, ուրոյն կազմա-  
կերպութիւն ունենալու) համաձայնութիւնը, համերաշ-  
խութիւնը անկարելի է՝ այն ժամանակ շատ քիչ բան  
կրմնայ ասելու, գուցէ բոլորովին էլ աւելորդ լինի  
ասել, նրոնց գործածած միջոցների վրայ, որ դառնումէ  
երկրորդական հարց:

Երիտասարդ թիւքերը ուզումեն առաջացնել,  
խաղաղ միջոցներով, էվօլիւցիայի ճանապարհով,<sup>5)</sup> ինչ-  
պէս սիրում են նրանք ասել, մի զուտ ներքին յեղա-  
փոխութիւն բոլոր ֆունկցիաների, բոլոր կարգերի ու  
կանոնների մէջ: Բայց այդ անելիս նրանք եւ ոչ մի  
բոպէ մտքով խակ չեն անցնում զրկւիլ պետութեան

<sup>5)</sup> Թէեւ ներկայումս երիտասարդ թիւքերը էվօլիւցի-  
այի փոխարեն, իբր թէ, բէվօլիւցիայի ճանապարհն ընտ-  
րելու խօստումն են տալիս իրինց դիւրահաւան դաշնա-  
կիցներին, բայց նրանց հիմնական ձգտումները, նրանց  
հաւատոյ հանգանակը մնումէ նոյնը, ինչ որ ճշմարտիւ  
նկարագրումէ վերելում: Մակերեութային փոփոխու-  
թիւնը Ե. Թւերի արտաքին կեղեւի մէջ է միայն: այդ  
են ասում նրանց օրգանները, կօնգրէից յետոյ, բացո-  
րոշ կերպով:



և ո՛չ մի կտորից և ոչ մի մասնիկից, զիպչել  
կամ թոյլ տալ զպչիլ նրա ամբողջութեանը, որիպահան-  
պանումը նրանց համար միեւնոյն հաւատոյ հանգանակն  
է, ինչ որ է իրա, սուլթանի և բոլոր Հին Թուրքերի  
համար: Այդ կէտում նրանք յայտնուումեն նոյնքան և  
աւելի թթու պատրիոսներ, որքան չեն գուցէ Սուլթա-  
նը ինքը և Հին Թուրքերը: Նրանց յեղափոխական  
ձգտումը, սգին, հեռեւարար, զուտ ներքին է: Նրանք  
ուզումեն բարեփոխել թուրքիան, վերակենդանացնել,  
երիտասարդացնել նրան ինքն իր վրայ, առանց զիպ-  
չելու, ինչպէս ասացինք. պետութեան սահմաններին:  
Այնպէս որ երբ կարգը զայ պաշտպանելու այդ պե-  
տութիւնը որեւէ արտաքին ոտնձգութեան կամ ներ-  
քին ընդվզման՝ ապստամբութեան գէմ. որ կարող է  
սպառնալ լուծելու այդ նւիրական դաւանանքի կարգ  
անցած ամբողջութիւնը, ցտելու պետական օրգանիզմը  
մի խօսքով բաժնելու, անդամատելու նրան՝ այդ  
պարագային, ասումենք, երիտասարդ Թուրքերը պա-  
տրաստ են անմիջապէս, միանգամից, մոռանալ իրենց  
բոլոր տարբերութիւնները, որով նրանք որոշումեն  
իրենց ազգակից հին թուրքերից և սուլթանից և  
միանալով նրանց հետ, որպէս միմարմին, պաշտպանեն  
իրենց Վաթանը ներքին կամ արտաքին թշնամիների  
գէմ: 6)

հօս  
հօք

6) Իմ մի քանի հրատարակային ժողովներում, Պուլ-  
կարիոյ մէջ, Գաշնակցական ընդիմախօսներս, որոնց  
թւում և հակասութիւնների շտեմարան Պ. Ռուբէն  
Զարդարեան, տքնումէին հաւատացնել, թէ ժէճն  
թուրքերն այժմ շատ փոխել են և և ձեռք են քաշել  
իրենց նախորդների թունդ նաքիօնալիզմից և պատ-  
րիօտիզմից, բայց այդ պարոնները չեն ուզում մի ըո-  
պէ աչքից անցկացնել գէթ «Մէշվէրէթի» վերջին հա-

Երիտասարդ Թիւրքերն ասումեն. — յեզափոխենք  
երկիրը, այո, բայց նախ եւ առաջ պահպանենք նրա  
ամբողջութիւնը:

Մենք ոչինչ չունինք ասելու եւ ի՞նչ կարող-  
ենք ասել: Չէ կարելի սրահանջել, որ միանալով  
պետութեան թշնամիներին՝ անդամտան իրենց վաժմանը

Բայց հէնց այստեղից էլ սկսում է, այսինքն հէնց  
հիմքից, արմատից, սկսում է կազմել այն անազիրն  
պատառածքը, այն անանցանելի անգունդը, որ անկա-  
րելի է դարձնում որեւէ համերաշխ գործակցութիւն  
Երիտասարդ Թիւրքերի եւ հայ յեզափոխական ո՛րեւէ  
մարմնի, ո՛րեւէ կուսակցութեան մէջ: Տրւած լինելով  
այս վերջինների արամագծապէս հակառակ ձգտումնե-  
րը որոնք էականապէս ազգային եւ էականապէս ան-  
ջատական (séparatiste) են, անտազօնիզմը շահերի, եղե՛լ  
է անանսական, եղե՛լ է քաղաքական թէ ընկերային  
այնպէ՛ս հիմնական, այնպէ՛ս խոր է որ այդ երկու  
մարմինները արտաքին խարուսիկ երեւոյթների տակ,  
յայտնուումեն ոչ աւելի ոչ պակաս— թշնամիներ. հէնց  
որ գտնուումեն միմեանց ներկայութեան՝ գործնական  
հոգի վրա:

Մի շատ խոշոր եւ կոպիտ սխալ է որ տարածւած է (եթէ  
միայն չըլինին այնպիսիներ, որոնք հայկական յեզափո-  
խական ձգտումներուն այլ ուղւթիւն տան<sup>7)</sup> քան այն,

---

մարները, ուր մէօն թիւրքերի պարագլուխները բա-  
ցարձակապէս սպառնումեն Հայկական որեւէ արմատա-  
կան շարժում անդնուտեղը խեղդել, միացած խալիֆի  
օտտունների հետ: Կօնդր. բէվօլիւցիայի այդ սրտաբայ  
ազդարարութիւնն էլ անկարող եղաւ դաշնակցական-  
ներին մի քիչ խելքի բերելու:

7) Այդ յօդւածը գրւած ժամանակ, եւ նոյնիսկ մինչեւ  
1907 թւի սկիզբը, ոչ ոքի մտքից անգամ չէր անցնի  
թէ տարուան եղտնակներին հետ իւր գոյնը փոխող

որը մենք ապիս ենք. եւ որ կարծումենք թէ ճիշտ եւ ճիշդ համապատասխան է հայկական սրտի իզձերի, հայ ժողովրդի հառաչանքին ու խռայլին, ) ասում ենք մի շատ խոշոր սխալ է որ տարածւած է հայ յեղափոխականներից շատերի մօտ եւ որի համեմատ իբր հայ յեղափոխականները ուզումեն սաղալիլ տաճկական պետութեան միջտիրոջ ներկայ ըէժիմը եւ նրան փոխարինել նոր, եւ բողական քաղաքակիրթ ազգերի մէջ ընդունւած բարձր կուլտուրային ըէժիմով:

Այլ, այգպիսի միասիա շունի հայ յեղափոխականը:

Հայ յեղափոխականի միասիան ոչ այլ ինչ է՝ եթէ ոչ թոթափել այն ստրկական լուծը, որի տակ հեծումէ, աքնուումէ, ճնշումէ, չարչարումէ հայ ժողովուրդը տարիներից հետէ. խորտակել այն ամուր շղթաները, որոնցով կապւած են նրա ոտները, եւ վերջապէս ազատել, բոնի ուժով, Հայրենիքը Օսմանեան քաղաքական իշխանութիւնից եւ կանգնել, ստեղծել մի նոր Երիտասարդ Հայաստան, սեփական կառավարութեամբ, սեփական օրէնքներով, սեփական կարգերով ու կանոններով:

Ահա թէ ինչպէս ենք հասկանում մենք յեղափոխական

---

գաշնակցութիւնը մի օր պիտի \*եւ ընկրկի ԱԶԱՏ ՀԱՅԱՍՏԱՆԻ գաղափարից, ինչպէս որ գրանց 4-րդ Ընդհանուր ժողովը իր կազմին արժան ասպէտականութեամբ յայտարարեց՝ «սեպարատիստական ոչ մի ձգտում» . . . թէ եւ գրանից յետոյ էլ, մինչեւ այսօր գաշնակցական շարքերը կարծումեն, թէ երեկի եւ այսօրւայ մէջ «ոչ մի խզումն, վաղեմի ձգտումների» . . . իսկ չէֆէրն ու չէֆիկները գերեզմանային լուծամբ են անցնում այդ փափուկ խնդրի վրայից, գիտնալով թէ ինչ պատմական աքացի կսպասէ իրենց կրճքին. . . եթէ վարագոյրը բարձրացւի եւ «իրանց աղերքը՝ դիւր ընկնին»:



չարժուձր, նրա ձգտումն ու ոգին, նրա նպատակը:

Պարզ է ու բեմն, եւ այդ բնականօրէն հետեւում է մեր բոլոր վերեւ ասածներին, որ մեր՝ այսինքն Հայ յեղափոխականներիս եւ Երիտասարդ Թիւրքերի մէջ ո՛չ մի համերաշխ գործունէութիւն, ո՛չ մի տեսակ դաշնակցութիւն չէ կարող գոյութիւն ունենալ—այդպիսի բան անիմաստ է ուղղակի, անհասկանալի է, —երբ մեր ձգտումները գնում են, հէնց հիմքից սկսած, միմեանցից բոլորովին հակառակ ուղղութեամբ:

Մենք ե՛նք ու կմնանք իրերի այս վիճակին մէջ քաղաքականապէս միմեանց թշնամիներ, որոնց մէջ բացւած է մի խիստ անողորմ կռիւ, որ գոյութեան կռիւն է:

Եւ նրանք, Երիտասարդ Թիւրքեր, շատ լաւ են հասկացել թէ ո՞ւր են տանում մեզ մեր ձգտումները. շատ լաւ են զգացել թէ ինչ անհաշտելի անտագօսիլով է տիրում մեր եւ իրենց միջեւ, եւ օգտուելով միամիտ կօկէտաբրիններից, որոնք արւել են եւ արւում են տակաւին հայ յեղափոխականների կողմից օսմանցի լիրերալներին, նրանց կօնգրէսը կազմակերպողները, նրանց ջոջերը, տաճկական խորամանկ ախպլումանների այդ ապագայ խորամանկ կանգիզաները, կօնգրէսի հրաւիրեցին հայ յեղափոխականներին, որպէսզի յանուն Օսմանեան ընդհանուր ժողովրդների միութեան, յանուն ընդհանուր բարենորոգումների՝ խեղդէին, ոչնչացնէին իսպառ անհետ անէին քաղաքական աշխարհից հայկական դատը:

Այն՝ ինչ չկարողացաւ անել Համիտը իւր հարիւր հազարաւոր զօհերովը, նրանք ուղեցին խաղաղ միջոցներով, լռիկ-մեջիկ, կարէնետային հաշիւներով, յաջողացնել, մէկ քարով երկու թռչուն զարնել, բայց գերեւ ելան: Հայ յեղափոխականները, ոմանք աւելի



չուտ, ոմանք աւելի ուշ, նշմարեցին լարւած ծուղակը եւ խոյս տւին (տանգից<sup>8)</sup>):

Պաղատարային այս հիմնական տարբերութիւնը թէեւ ինքնին բաւական է ապացուցանելու համար որ շատերի կողմից համակրութիւն ստացած եւ ցանկացւած համերաշխ գործունէութիւնը Երիտասարդ թիւրքերի եւ հայ յեղափոխականների մէջ բացարձակ անկարելիութիւն է, այնու ամենայնիւ մենք աւելորդ չենք համարում նաեւ մի քանի հօսք ասել եւ այլ՝ ոչ նուազ կարեւոր գործնական նշանակութիւն ունեցող կէտերի վրայ, որոնք առանձին-առանձին վերցրած, բաւական են մի անգամից կարճ կտրելու ո՛րեւէ կումէութիւն, ո՛րեւէ ցանկութիւն՝ համագործակցութեան մէջ մտնելու այդ մարմնի հետ:

Մենք մինչեւ հիմա խօսելով Երիտասարդ թիւրքերի մասին, ընդունեցինք նրանց որպէս կազմակերպւած մարմին:

Իրականութիւնը սակայն այդ չէ: Իսկապէս Երիտասարդ Թրքական մարմին, կազմակերպւած կուսակցութիւն չկայ: Դրանք բոլորը անհասներ են, որոնք ցանուցիր, փոքրիկ խմբերով ցրւած են այլ եւ այլ կողմերում, առանց ունենալու որոշ կարգ ու կա-

8) Ով կարճ ող էր երեւակայել, որ „խորամանկ“ երիտասարդ թիւրքերի լարած „ծուղակը“ պիտի լարէր Հայկական Դատին դէմ նոյն Հայ յեղափոխական Դաշնակցականների ձեռքով: Չարմառալի են աշխարհի բաները, մարդիկ փոխանակ օրըստօրէ փորձառութիւն ձեռք բերելով նենգաւոր թշնամիներից պաշտպանելու մասին մտածելու, վեր են կենում մեր „յեղափոխական“ ազգակիցները իրենք են սպանում իրենց Դատը եւ կամովին կուլ դնում տարրիներից իվեր ճանչւած թշնամու որկորը: Ինքնասպանութիւն չէ՞ր միթէ կատարւածը . . .

նոններով հաստատուած ներքին սերտ միութիւն, մի կազմակերպութիւն: Նրանց մէջ եղած կապը քաղաքական, հասարակական լինելուց աւելի, արեւելքին յատուկ ընտանութիւնէ:

Չկայ երիտասարդ թրքական կուսակցութիւն, պարտիա, որ իւր ճիւղաւորութիւններով թափանցած լինի տաճիկ ժողովրդի խաւերի մէջ: Այդ երկու գոյութիւնները՝ երիտասարդ Թիւրքիա եւ Տաճիկ ժողովուրդ միմեանց բոլորովին անձանօթ աշխարհներ են: Խըմբըւած գլխաւորապէս փոտիշահի մայրաքաղաքում եւ նրա զահի շուրջը, ընդունակ են աւելի դաւադրական գործողութիւններով, խորամանկ մեքենայութիւններով դինասթիա տապալելու, քան թէ երկար եւ համբերատար աշխատութեամբ ժողովուրդ պատրաստելու եւ նրա ձեռքով հիմնական ժողովրդային յեղափոխութիւն արաջ բերելու: Համերաշխութիւն հաստատել մի մարմնի հետ, որ մտքին չէ, գաշնակցիլ խմբերի հետ որոնք մեծաւ մասամբ բազկացած են Սուլթանի անտուրածից փախած, զզւելի կա խորայնց դուրս պրծած ամեն տեսակ շանտաժիսաներից, խաբերաներից, բարոյականից—հասարակական մարմինների այդ ամենաանհրաժեշտ էլէմէնտը—միանգամայն զուրկ տարրերից, մենք գտնուեմենք ոչ միայն անկարելի, այլ եւ վտանգաւոր: Իսկապէս, մեր երեւակայութեան մէջ չէ կարող մի բոպէ նկարել մի պատկեր, ներկայացնող հայ յեղափոխականներին եւ երիտասարդ թիւրքերին շարած կողք կողքի, սեղմ շարքերով, համերաշխ, միարան միասիրտ գրոհ տալիս տաճկական բանակների վրայ ազատելու համար... մեր Հայրենիքը, մեր սիրելի Հայաստանը: Այդպիսի պատկեր ու տօպիկական է, ծիծաղելի է մինչեւ իսկ: Ուստի եւ մենք միանգամ ընդմիջա թաղումենք խոր գետնի տակ ամեն միտք, ամեն ջանք, համերաշխութեան եւ վտանգաւոր կօմ-

պրօմիսների մանելու մի մարմնի հետ, որ դեռ գոյութիւն չունի եւ գոյութիւն իսկ ունենայ՝ սկզբունքով անկարելի է որ այդպիսի համերաշխութիւն կարելի լինի ունենալ նրա հետ:

Վիտենք, գոյութեան կռիւր, որ մղում է տասնեակ տարիներից ի վեր Հայ ժողովուրդը՝ դժւար է, ծանր է: Վիտենք որ մեզանից անհամեմատ աւելի զօրաւոր թշնամուն յաղթելու համար հարկաւոր է ամեն կարելի ու անկարելի միջոցներից օգտուիլ, աջակցութիւն փնտռել, դաշինք կռել, սահայն եւ հարկաւոր է որ այդ միջոցները, այդ աջակցութիւնները իրական լինին, որ նրանք զրահան օգուտ տան եւ երաշխաւորւած լինին որ յուսախաբութեան, պատրանքի չեն ենթարկի ժողովրդին եւ, որ աւելի է: չեն դաւաճանի նոյն իսկ այն ձգտումներին, այն իտէալներին, որոնք խորը թաղնւած են հայ ժողովրդի հոգու ծալքերում եւ որոնց իրականացման մէջ միայն կարող է նա գտնել իւր անդորրութիւնը, իւր բոլոր ազգային հասարակական ցանկութիւնների կատարուիլը<sup>9)</sup>:

Մենք թողնենք ուրեմն որ գնան այդ Նրիտասարդ թիւրքերը, իրենց բազդին, եթէ կարող են, ստեղծելու իրենց երազած Նրիտասարդ թիւրքիան: Մենք, հայ յեղափոխականներս, ոչինչ չունինք դրա դէմ: Բայց մենք էլ կը գնանք, մեր սեփական ուժերով՝ մեր սեփական միջոցներով եւ ապահով, երաշխաւորւած ու նպատակայարմար դաշնակցութիւններով, ստեղծելու մեր Նրիտասարդ ՀԱՅՍՍՏԱՆԸ:

---

<sup>9)</sup> Հնչակեան Կուսակցութեան պաշտպանած Ազատ Հայաստանի գաղափարը վերջերս մի քանի դաշնակցական նորելուկ աշխարհաքաղաքացիների կողմից նկատուումէ որպէս ընկերվարականութեան հոգոյն հակառակ: Արդէն հրապարակային ժողովներում ես աւել եմ դրանց



պատասխանը, բայց կրկին կըլիշեցնեմ, որ այդ գաղափարին լիովին համամիտ են այսօրւայ ամենանշանաւոր ընկերութարականները, որոնց հայեացքները Ազատ Հայաստանի մասին պիտի գնենք ներկայ աշխատութեան յետագայ թւերին մէջ: Այստեղ կը գնեմ միայն յայտնի ընկերութարական Քարլ Կաուցֆի հայեացքը Հայկական Հարցի մասին ճիշտ այնպէս, ինչպէս որ նա տպւած է գաշնակցական Ե. Թ., —ի մի հրատարակութեան մէջ: —Եւրոպայի հայ ուսանողութեան ուղղած մի նամակում կարլ Կաուցֆի այսպէս է ձեւակերպում իր վերաբերմունքը դէպի հայկական հարցը:

«« Ես բոլոր սրտով հայկական դատի համակրող ու պաշտպանս եմ եւ հաշոց դաս ասելով եւ հասկանում եմ որ ն'չ միայն շոկ նրանց պաշտպանութիւնը քիւրփակակաւ ու ֆրդակակաւ կոստրածներէի դէմ այլ եւ վերականգնումը նրանց ազգային անկախութեան, »»:

Այո. այսպէս է հասկանում Կաուցֆին «« Հայոց Գաւար »», համոզւած որ զբանով չիմեղանչիլ իւր քաղաքական դաւանանքի դէմ, իսկ մեր՝ երէկ մէկ այսօր երկու չակերտաւոր սօցիալիստ Գաշնակցականները, որ ընկերութարական Հնչակեաններին բանադրելու համար բերաններին վրայ գոյացած փրփուրը դեռ չէ անհետացել, այսօր նոյն այդ ողորմելիները սրբապղծութիւն են համարում „Հայ Ազգային Անկախութիւն” բառերն իսկ արտասանելը . . .

Գոնէ իրենց երեկւայ գրածները այսօր աչքէ անցնելու զժարութիւնը կրէին, այն ժամանակ դուցէ մինչեւ ականջները կարմրելու հարկին մէջ գանուէին:

ՀՄԱՅԵԱԿ ԱՐԱՄԵԱՆՑ

